



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 44. Quænam præterea sint, & quomodo solvantur argumenta
sententiæ rigidæ.

urn:nbn:de:hbz:466:1-42634

R. 2. n. conseq., regula illa non tenet, nisi à contradictoriè opposito consequentis arguatur ad contradictoriè oppositum antecedentis; item non valer, nisi quando unus terminus est antecedens respectu alterius: jam verò patet, quod probabiliter honestum non sit contradictoriè oppositum probabiliter honesto, cùm utrumque sit quid positivum; item potest, quod neuter ex his terminis sit antecedens respectu alterius, neuter enim inferri potest ex altero ergo evidens est illam regulam hīc non habere locum; mirorque à quodam Viro docto id mihi objectum esse, à pari enim dicam, honestè agit, qui sequitur consilia Christi, qui non dicit uxorem, & ergo ille in honestè agit, qui non sequitur consilia Christi, qui dicit uxorem. E contrà valet, si est homo, est animal, ergo si non est animal, non est homo quia nempe homo est antecedens respectu animalis & non animal est contradictoriè oppositum animalis ideoque valet à negato animali ad contradictoriè oppositum homini, quod est non homo.

318 Q. 44. Quānam præterea sint argumenta rigida sententiæ, & quomodo solvantur. R. Sunt multa licet parum efficacia: nullum tamen præteribo, videar declinare aliquam difficultatem.

319 Objiciunt 1. Auctoritas videtur esse major præsententia rigida, nam nulli SS. PP. faciunt mentionem de licto usu probabilitatis, è contrà favent rigidæ, uti latè deducit Gonz. d. 13. c. 2. §. 1. & 2.

S. Aug. contra Academ: l. 3. c. 6. latè confutat hoc illorum axioma, cùm agit quisque, quod ei videretur probabile, nec peccat nec errat. Possunt plures ex S. Aug. videri apud Gonz. §. 3., maximè autem apud Eliz. l. 7. q. 1.

S. Th. quodl. 8. q. 6. a. 13. ait peccare operantem, si dubitetur, an sit vera sententia, secundum quam op-

ratur: *S. Bonav.* apud *Gonz.* §. 4. similia habet.

Pro rigida sententia sunt Cardinales, *Cajet.* *Lau-*
rea. *Bellar.* *Aguier.* *Palav.* qui duo postremi sen-
tentiam benignam, re melius discussā, deseruerunt :
pro eadem nunc sunt Cardinales aliique in Congre-
gationibus Romanis : Similiter Episcopi Galliæ in
variis Synodis proscriperunt usum illimitatum sen-
tentiæ minus probabilis, uti testatur *Mervisius.*

Tenendam esse rigidam decreverunt in Capitulis
generalibus Ordines Theatinorum & Dominicanor-
rum: eandem tenent plerique ex Ordine Augusti-
niano.

Sententia benigna inaudita est usque ad finem sæ-
culi decimiquinti, in quo *L. Lopez*, probabilista in
Instr. conf. c. 120. ait, scio communem esse sententi-
am *Sot. Cordub.* &c., tenentium non satis esse pro-
babilem opinionem sequi; sed probabiliorem esse se-
standam: *Corduba* autem, qui scripsit anno 1569, di-
cit l. 2. quæstion. q. 2. omnes Theologos convenire,
quod debeamus sequi tutiorem probabiliorem.

Vasq. Salas. *Sanch.* pro primo Auctore, qui be-
nignam docuerit, citant *B. Medina*, qui scripsit an-
no 1579.

Amicus licet probabilista T. 3. d. 15. n. 75. fatetur
omnes ferè antiquos esse pro probabiliore.

Illicitum esse illum usum probabilium docent
Mercor. *Fagn.* *Sinnich.* *Baron.* *Merenda.* *VVendroch.*
Contens. *Gonet.* *Iac.* à *S. Dominico* : è Societate
JESU, jam ab anno 1609. *Comit.* *Philal.* *Rebell.* *Eliz.*
Gonz. *Munies.* *Taber.* *Daniels.* *Gomes.* *Erentreich*,
Gisbert, aliique : Ex aliis DD. *Volpilier* in Th. in or.
T. 1. tr. 2. c. 3. a. 1. *Du Hamel* de act. hum. l. 2. d. 4.
Item alii Viri gravissimi etiamnum viventes. *Eft.* p.
2. App., quam post alia opera i. theologica scripsit, a.
153. concludit, non esse licitum usum sententiæ certò

ac evidenter minus probabilis, videturque consensu
re Teril. in Reg. morum q. I. n. 7. Camargo absolu-
te tenet rigidam.

320 R. SS PP. etiam non faciunt mentionem sequen-
dæ probabilitatis, sed de utroque silent, quia illis tem-
poribus non erat mota illa controversia, sed omnes
pro certo habebant licitum esse sequi quæcumque
prudentia dictamina rationis, non autem semper
prudentiora, ut ostendit Carden. in I. crisi d. 15. c.
6.; saxe per modum consilii dicunt præferenda tu-
tiora, quæ tamen non semper sunt probabilitiora
quod si quandoque innuant præceptum de tutioni
bus aut probabilitoribus, intelligunt tum, quando
operans censet oppositum esse dubiæ vel tenuis pro-
babilitatis.

321 S. Aug. I. c. agit contra eos, qui, ut ipse metu-
fert I. i. Retract. c. I. asserebant turpe esse viro sapi-
enti errare, ideoque, cum omnia essent incerta
dicebant frustra in veritatem inquire, nec debent
quicquam directè judicari tanquam verum vel fal-
sum, sed in omnibus debere intellectum hærere su-
spensum; ad summum posse aliqua apprehendi in
verisimilia, & hoc vocabant probabile, secundum
quod possent conformari omnes actiones nostræ, uti
pluribus refert Eliz. §. 5. Benigna sententia tenet
omnia opposita, nam dicit sapienti turpe non esse
errare in probabilitibus, dummodo ex gravi motivo
procedat, inquirendum esse in veritatem, posse pru-
denter fieri assensum directum ad hanc vel illam
partem, ad operandum non sufficere talem reflexam
apprehensionem probabilitatis, sed requiri judicium
certum de honestate actionis &c. Videri potest Ep.
a. 72. & seqq., & maximè Terill. q. 25., ubi mani-
festè ostendit sententiam benignam longissimè abesse
ab Academismo.

Is. Th.

S. Th. l. c. est potius pro benigna sententia, nam 322
 querit, an sequens minus tutam peccet, & responderet,
 vel dubitatur, an sit vera sententia, & iterum pec-
 cat, quia nempe cum dubio operatur non formatā
 sibi conscientiam, vel sine dubio operatur ex propria
 opinione, & non peccat, ubi manifestè docet non
 peccari, si operetur formando sibi conscientiam se-
 condūm opinionem suam, quamvis fortè minus tu-
 sam & similiter minus probabilem, est enim par ra-
 tio, cum etiam secundūm hanc possit sibi formare
 conscientiam, uti à n. 303. ostensum est: Plura circa
 S. Th. videri possunt apud Terit. de consc. q. 29. & de
 hoc ipso loco S. Thomæ, videri potest Ius. c. i. d. i. n. 74.

S. Bonav. semper suadet tutiora, eos verò arguit,
 qui prosedunt, vel sinè examine veritatis, vel sinè di-
 cтamine practico certo, uti constabit perpendenti
 loca à Gonz. adducta,

Cajet. in summa, v. *oppositionis usas*, est pro sen- 323
 tentia benigna: Item Tolet. in summa l. 3. c.
 a. Bellarm. in opusc. ad Episc. Theanensem
 tantum dicit, si quis velit in tuto salutem collocare,
 debet omnino tutiorem partem sequi &c., hoc au-
 tem &què pugnat contra probabiliorem, quæ saepe
 est minus tuta: re ipsa tantum vult non esse proce-
 dendum cum conscientia vincibiliter erronea vel ex
 probabilitate tantum tenui, sed tum esse sequenda
 tutiora, quia formari non potest conscientia pra-
 ctica. Quoad Palav. satis est, quod benignam certò
 tenuerit, quam an retractarit, non constat, nam
 quod in litteris ad Eliz dicat ignorantiam non redi-
 dere opus honestum, hoc &què est contra sententiam
 probabiliorem. Reliquis, si re ipsa sunt pro rigida,
 Opponimus alios numero plures, uti constat ex dictis
 n. 269., eosque non minus prudentes vel doctos.
 Episcopi aliqui Galliæ quandoque faverunt Janse-
 nistis:

niftis: recte tamen proscripterunt illimitatum usum sententiae probabilis, nam nec illum admittit sententia benigna, ut constabit ex qq. seqq.

324

Ordinum istorum decreta plūs non evincunt, quād quōd eo tempore prævaluerint suffragia prærigida sententia, per quod nunc minor accedit auctoritas, si Ordinum illorum Professores eandem teneant, nam tenent ex obligatione; nec eam, quam alii, habent libertatem sentiendi: è contraria benignam tenent ex aliis Ordinibus numero longè plures, nec sapientiā inferiores, & cum libertate dicendi, quod sentiunt.

325

Etiā usque ad ea tempora inaudita est defensio sententiae rigidæ. Teril. de conc. q. 22. à n. 41. adducit plures, qui benignam docuerunt ante ducentos, trecentos & quadringentos annos: & à n. 183. ostendit jam ab initio Ecclesiæ fuisse in praxi: quod eandem tenuerint antiqui, testatur S. Antonin. p. I. tit. 3. c. 10. ubi ait, *Ex responsis, quæ videntur data ab Alberto M., habetur, quod frater simplex vel quilibet homo cum salute potest sequi in consiliis, quamcumque opinionem voluerit, dummodo alicuius Doctoris Magni opinionem sequatur: citatque pro eadem sententia Hostiens. August. Raym. Petrum de Pale, Goffridum de Fontibus, utique antiquos. Similiter Sotus de just. l. 6. q. 1. a 6. ait, quando sunt opiniones probabiles inter graves DD, utram sequaris, in tuto habes conscientiam. Si Corduba recid inspiciatur, stat pro tutiore etiam contra probabilitatem, unde nimium dicit, ut ostendetur à n. 478. Teril. tamen in Reg: q. 67. n. 28. putar eum velle, quod tota apparentia rationum tam ex principiis reflexis quam directis debeat esse probabilior, quod etiam dicit sententia benigna.*

326

Vasq. fatetur benignam diu antē in scholis communem

munem fuisse, nam citati eam tenuerunt, Item *Satlonius & Petr. Nav.*, dicentes esse communem, uti notat *Desch.* in q. facti c. 7. Eandem ante ducentos & plures annos expressè tenuit *Nider*, pro ea citans *S. Th. Alessiodor. Humb.* & alios, uti refert *Desch.* c. 8. *Teril.* autem q. 12. ostendit, quod & fatetur *Eliz.*, jam ab initio Ecclesiæ fuisse apud sapientes & probos viros praxin etiam consulendi secundum sententiam benignam.

Quod *Amicus* dicit, meritò negant plurimi alii § 27
sapientissimi viri, uti constat ex dictis.

Auctores reliqui pro rigida citati planè inter se dissentunt, & nec unus convenit cum altero, uti de multis ostendit *Carden.* d. 56. à n. 735., de reliquis patebit legenti ipsos: multi etiam non satis intelligunt principia sententiaz benignæ, uti ostendit *Carden.* à n. 914., aut certè dissimulant vim argumentorum illius. Quod autem singulos attinet; *Mercor.* relabitur in sententiam benignam, uti ostendunt *Carden.* n. 738. & *Desch.* post c. 8. in app., nam dicit licere sequi minus probabilem in quibusdam casibus, speciatim ob motiva extrinseca, uti est auctoritas DD, exempla majorum, præsumptiones, titulus possessionis, consuetudo, tolerantia approbativa Superiorum in lege humana &c. *Fagn.* fatetur se non studuisse Theologiæ, hinc *Carden.* d. 57. n. 92. dicit nihil fuisse versatum in Theologicis. *Sinnich.* & *Baron.* pleni sunt convitiis, sique ostendunt se non ratione sed passione motos: & observavi ego saepè in lectione Auctorum, quod qui convitiis, calumniis, aculeatis verbis utuntur, minus intelligent, & scribant, qui adstituuntur bonis argumentis: nimirum debiles sunt argumentationes, inquit rectè *Carden.* in præfat. ad 3 pa. crisis, que ad sui confirmationem indigent maledictis: & *Caram.* in severa argum.

methodo p. i. d. 4. ait, *ad diuersia recurritur, cum de principali causa desperatur*: estque notum omnibus, quod quod sapientiores doctioresque sunt Auctores, tantò modestius scribant. *Merenda* liber est Romæ prohibitus. *VVendrochii* liber est damnatus ab Episcopis multis Galliæ & à DD. Parisiensibus, tanquam plenus hæresi Jansenianâ & maledictis. *Contentonus* etiam raptus est impetu, sententiam enim benignam vocat errorem intolerabilem, ab Ecclesia configendum potius, quam sententias Jansenii. *Gonet* etiam fertur impetu, cum amaritie nimia in Auctores benignæ sententiæ: adhuc impetuosiùs rapitur *Jacobus à S. Dominico*, sententiam benignam vocans artem peccandi fucatam, quæ sinat quemque ad arbitrium vivere, nullâ habitâ ratione legis vel consideratione finis ultimi; quæ sit pro lucro, commodo, voluptate &c. affingit præterea benignæ sententiæ plurima absurdâ, unde non videtur percepisse ejus principia, uti evidenter ostendit *Carden.* d. 55. & 56. *Comit.* Theologiam non docuit, unde & minoris auctoritatis est, uti nec docuit Philaletus à Superioribus prohibitus suum (est Andreas Blancus) aut Societatis nomen libro suo præfigere, uti de utroque testatur *Eß.* a. 235. *Rebel.* in loco, quem pro se citant Adversarii, de just. I. p. l. 3. q. 5., agit de Judicibus, quos etiam dicimus l. 4. n. 1480. debere sequi probabiliorem. *Eliz.* ferè contra omnes docet nequidem sententiam probabiliorem esse regulam operationis honestæ, sed solam sententiam veram, quam in moralibus semper inveniri posse contendit, ac proinde cum sit singularis, non est audiendus, uti rectè *Teril.* in Reg. q. 49. Assert. 3., ubi q. 68. n. 1. addit, se nullum librum Auctoris Catholici unquam legisse, in quo tam parum veritatis invenerit. *Eß.* ubique, & directe

recte a. 156. concludit licere sequi opinionem minùs probabilem & minùs tutam, si excessus verisimilitudinis in parte opposita non sit manifestus & omnino indubitatus ipsi operanti, quod n. 152. fas-sus erat raro contingere, quia non solent nec possunt homines assensu absoluto ita facilè judicare hanc vel illam partem esse evidenter verisimiliorem. *Camargo* nimis præfidenter loquitur, ubique serme dicens se demonstrare, cùm revera non demonstraret; & ubi minùs rationis habet, ibi utitur majore strepitu, artificio & contentione verborum, planè similis *Eti-zaldo*, cuius doctrinam sectatur. Etiam per totum nimiis convitiis persequitur probabilismum, quem cùm necdum reprobarit Ecclesia, *Innoc. XI.* ventuit censurari; unde querelæ, quas p. I. l. 2 contr. 3. à n. 163. affert contra acrimoniam cuiusdam Probabilistæ, recidunt in ipsum. Petit quidem in conclusione partis I., ut Lector repeatat partis illius lectionem, eò quòd primâ vice *cæcus* legerit, sed non video, quâ id ratione dicat, nam, quòd *videns* legerim, colliget ex illis quæ in decursu dixi & dicam.

Reliquis opponimus alios innumeros, qui antehac docuerunt, item qui adhucdum docent benignam, ita ut certum sit esse numero plures nec auctoritate minores; & licet aliqui in quibusdam circumstantiis vel explicatione disconveniant, tamen conveniunt in substantia, quòd liceat sequi probabilem relictâ probabiliore.

Hinc *Camargo* in proloquio partis I. frustra se fatigat in congerendis Auctorum textibus sententiæ suæ faventibus, nam iidem Auctores, quos citavimus, alibi clarè stant pro nostra, unde plus non evincet, quâm eos vel docuisse contradictionia, vel mutasse aliquando sententiam, vel utramque docuisse

isse velut probabilem, & pro his aut illis circumstantiis respondisse secundum utramque, uti notabo n. 373.

329 *Instabis. S. Th. 2. 2. q. 53. a. 5.* ait, *ad imprudentiam pertinet desistere à meliori*, ergo etiam sequi minus probabilia. R. tantum vult esse minoris prudentiae aut si desistatur sine prudente motivo, aliqui positiva imprudentia foret non sequi tutissima, item non sequi omnia consilia Evangelica & summe perfecta, quod patet esse falsum.

330 *Obij. 2.* Christus dicit, ego sum veritas, & non dicit, ego sum probabilitas, ergo non licet operari secundum opinionem probabilem, ita *Sinnich & Conf. ex Arist. 1. Eth. c. 4.* ubi ait, *veritatem debemus inquirere & sequi, quantum possumus.* Huc etiam facit illud *S. Chrys. hom. 13. in Epist. 2. ad Corint.* Ne igitur multorum opiniones habeamus, sed res ipsas inquiramus: Item *Auctoris operis imperf. apud Eliz. 1. 8. q. 9. §. 7.* si vestimentum empurus, unum giras negotiatorem & alterum, & ubi meliores vestes inveneris & viliori pretio, ab illo comparas, an non oportet populum circumire omnes DD, & inquirere, ubi sincere veritas Christi venuatur & ubi corrupta, & veriorem eligere plusquam vestimentum? hinc dicit *Eliz 1. 6. q. 10.* totam honestatem alicujus Doctoris claudi illis verbis, *Magister scimus, quia verax es,* ergo solâ standum veritate in moralibus. R. 1. Christus dicit, ego sum veritas, & non dicit, ego sum major probabilitas, neque dicit, ego sum ignorantia invincibilis, ergo non licet operari secundum opinionem probabiliorem neque ex ignorantia invincibili, quod tamen negant Adversarii. R. 2. n. conseq., quia veritas potest attingi etiam per probabilem. *ad Conf. admittimus inquirendam esse veritatem, & si inveniatur, operandum esse*

esse secundum illam, ubi autem inveniri non potest, & pro utraque parte est probabilitas, nulla lex verat operari secundum alterutram, quia in utraque potest esse veritas, quam si operando non attingamus, per accidens est & excusat error invincibilis: videri potest Teril. q. 53.

Inst. 1. Probabilitas est æqualiter indifferens ad 331 verum & falsum, ergo qui eam sequitur, non curat veritatem, & æquivalenter dicit, *volo die festo pingere, siue sit servile siue non*, ita Alfaro. *R. 1.* Etiam probabilitas & ignorantia invincibilis sunt æqualiter indifferentes ad verum & falsum in se, nec juvat major apparentia, quia & illa sæpe cum falsitate conjuncta est. *R. 2.* n. anteced., cuius oppositum demonstratum est n. 101., & hoc ipsum magis explicabitur n. 357. *R. 3.* Dato antec. n. conseq., in veritatem enim serio inquisivit, quam cum hic & nunc impossibile sit reperire, acquiescit in probabilitate judicii directi, & inde format judicium reflexum certum, quo non dicit, *volo pingere, siue sit siue non sit servile, sed, volo pingere, quia nescio, quod sit servile,* & probabiliter judico non esse servile, ideoque resolvendo non esse legem, quæ me obliget ad non pingendum. Quod præterea addit Alfaro, solvetur n. 396.

Inst. 2. Salsem talis homo pro regula actionum 332 suarum non habet legem æternam, quia per errorem contra illam agit, uti suppono, ergo pro regula habet probabilitatem. *R. 1.* Idem valet contra illum, qui operatur secundum probabiliorem ex errore invincibili. *R. 2.* Pro regula actionum suarum non habet legem æternam positivè præceptivam, c, permittivam, n, lex enim æterna & voluntas Dei permettit fieri, quidquid invincibiliter ignoramus esse prohibitum, & probabiliter putamus non esse prohibitum:

hibitum: neque ideo probabilitas est nostra regula operandi, sed primaria regula est voluntas Dei saltem permittens, secundaria autem applicans primam, est ultimum dictamen practicum certò verum, formatum secundùm illam probabilitatem præsuppositam, attamen ex aliis motivis & circumstantiis, uti explicatum est n. 312. & vide adhuc dicenda n. 339.

333 *Obij. 3.* Varios Canones, v. g. *Eugenius Papa*, Cap. *Iuvenis*, de sponsalibus ait, *In his quæ dubia sunt, quod certius existimamus, tenere debemus*, ergo sequendum est hoc, quod est probabilius R. Ad hunc & similes textus, qui æqualiter pugnant pro obligatione sequendi tutiora, respondebitur n. 490.

334 *Obij. 4.* Operans cum dubio negativo de honestate suæ actionis, peccat, ergo multò magis peccat operans cum judicio probabiliore, quod sua actio sit illicita, hoc enim judicium est plus, quam dubium negativum, ita *Gonz.* R. 1. Ergo etiam peccat operans cum judicio probabili, quod sua actio sit illicita, hoc enim judicium, etiam est plus quam dubium negativum. R. 2. n. conseq., quia cum judicio illo probabiliore, quod actio sit illicita, stat judicium, vel saltem motivum probabile, quod sit licita, quo supposito prudenter formatur conscientia, secundum dicta à n. 303. Econtrà si sit dubium negativum, nullum est judicium vel motivum prudens judicandi actionem esse licitam, ergo deest fundamentum pro formanda conscientia de honestate actionis.

335 *Inst. 1.* Quando judicium speculativum est dubium, practicum etiam est dubium, sed operans secundum probabilem habet judicium speculativum dubium, ergo etiam practicum, ergo ultimum illius dictamen non est certum, ita *Gonz.* d. 7. §. 10. R. 1. Idem valet contra operantem secundum probabili-

rem, nam judicium probabilius speculativum etiam est incertum & dubium. *R. 2. n. maj.*, superveniunt enim omnes rationes reflexæ pro formando judicio practico certo, uti dictum est n. 312.

Inst. 2. Ergo constitutus in dubio, an die festo licet pingere, licetè pinget ex vi hujus dubii, quamvis nullum sibi dictamen formet, ita *Gonz.* n. 81. *R. 1.* Idem valeret, si quis operetur secundum probabilem. *R. 2. n. seq.* nam non operaretur *ex fide*, nec haberet dictamen certum conscientiae, quo dirigeretur: Notandum *Teril.* de consc. q. 23. n. 31. & in Reg. q. 54. n. 8. talem non peccaturum contra directam legem non pingendi, cum haec illi sit incerta & forte non detur, sed tantum contra legem reflexam de non operando in dubio legis, nisi dubium propter rationem saltem probabilem deponatur & formetur dictamen reflexum de honestate operationis.

Inst. 3. Motivum probabilius elidit probabile, ergo non manet motivum prudens judicandi, quod actio sit licita, ergo pure negativè dubitat de honestate actionis *Prob. antec.*, nam si motivum A habeat probabilitatem ut sex, & motivum B. ut tria, quantum est pro veritate motivi A, tantudem est pro falsitate motivi B, ergo motivum B: nihil retinet probabilitatis pro veritate. *R. n. antec.* cuius prob. dist., quantum datur pro veritate motivi A, tantudem datur pro falsitate motivi B, cum aliqua certitudine ex hac aut illa parte, n, semper cum incertitudine utrumque, *c. ant. & n.* utramque conseq., cum enim motivum A non sit certo sed probabiliter tantum connexum cum veritate, est & manet tantum probabile, probabilitas autem una non elidit probabilitatem oppositam, sed tantum certitudo, uti dictum est à n. 261.

Obij. 5. Operans secundum minus probabilem

non

non est certus se eligere rem licitam, ergo non est certus se licite operari, ita Baron. Addit Auctor Synopsis n. 120., nemo potest esse certus, quod non peccet hoc faciendo, nisi sit certus, quod per hoc non agat contra voluntatem & legem Dei, sed sequens minus probabilem non est de hoc certus, consequenter dicit, et si probabilius sit, quod Deus nolit hoc me fieri, ego tamen volo facere. R. ad 1. Idem valere contra operantem ex probabiliore; hinc dist. antec. non est certus se eligere rem in se & materialiter licitam, c. (neque hoc requiritur, quia ubi utrumque est probabilitas, impossibile est hoc resciri) non est certus se eligere rem hic & nunc formaliter licitam eligi, n. vel subdist., non est de hoc certus, ex vi iudicij directi tantum probabilis, c. ex vi iudicij reflexi & motivorum ejus, n. antec. & conseq. vide dicta n. 332. & 312. R. ad 2., non esse quidem certum, quod non agat contra legem Dei primariam & per se, (neque hoc requiritur, cum resciri non possit, actione sit re ipsa prohibita necne) esse tamen certum, se non agere contra, sed agere secundum legem Dei secundariam per accidens obligantem vel saltem permissionem, secundum ibidem dicta n. 332., Unde hoc dicit; quamvis probabilius sit, quod Deus id nolit tamen quia etiam est probabile, quod velit vel saltem permittat, & quia Deus me nullibi obligat ad sequendum hoc, quod est probabilius, hinc volo hoc facere, non facturus, si scirem Deum id nolle.

339 Camargo l. 1. controv. 10. acerrime pugnat contra legem illam secundariam aut permissionem Dei, sed omnia ipsius argumenta retorquentur in casu opinionis probabilioris aut etiam probabilissima re ipsa falsa, operatio enim in his casibus non est conformis voluntati absolutae & antecedenti Dei, ut certum est, & tamen est licita, uti ipsi fatentur, ergo ex

est conformis alicui alteri Dei voluntati per accidens & saltem permittenti. Quæ opponit, solvuntur ex dictis n. 29. & 47., & maximè à n. 14., nam ipse cogitur negare actionem illam esse honestam, quæ procedit ex conscientia invincibiliter erronea dictante esse honestissimam aut etiam obligatoriam. Præterea nos non negamus, (an neget *Teril.*, nil ad nos) quod mendacium prolatum ex errore invincibili, quod liceat, sit materialiter malum & oppositum legi æternæ Dei per se & antecedenti, nam hoc diximus n. 279., & fatemur legem illam antecedentem semper manere immutatam, sed dicimus suspendi obligationem proximam illius legis, eò quod hic & nunc non applicetur nobis per cognitionem malitiæ, quæ est in mendacio, cuius tamen cognitionis defesus cum sit inculpabilis, & existens ejus loco error sit invincibilis, mendacium non potest esse formaliter sed tantum materialiter oppositum legi æternæ & antecedenti Dei, ut constabit ex dicendis l. 5. à n. 15. & 25., sed in ipsis circumstantiis est formaliter licitum, ergo necessariò debet esse in Deo alia lex æterna per accidens & saltem permittens, cui conformetur volitio mendacii. Denique admittendam esse in Deo aliquam voluntatem per accidens, nostro modo loquendi, & consequentem, videtur manifestum; nam si Titius hac occasione eligatur in Papam, quia Sempronius formaliter odit Cajum, qui alioqui debet, & justè suisset eligendus, Voluntas Dei antecedens & per se erat, ut Caius esset Papa, nunc autem ex suppositione malitiæ Sempronii, Voluntas Dei consequens & per accidens est, ut Titius sit Papa, ideoque Christus confert Titio jurisdictionem & potestatem in totam Ecclesiam, ergo. His observatis prorsus inania sunt argumenta, quæ, si ullibi, hic Concionatoriè proponit *Camargo* per paginas 48. in M folio.

folio. Legatur à n. 224., ubi fertur impetuose, sed nos non tangit.

Vrget à n. 144. Opinio probabilis fundabit legem illam consequentem Dei, & etiam ultimum dictamen practicum, ergo opinio probabilis erit regula objectiva honestatis formalis, non subordinata ulli-alteri regulæ objectivæ, sed omnino prima & independens, nam, saltem si sit falsa, non subordinatur legi Dei antecedenti, uti patet; sed nec consequenti, nam lex consequens est posterior, suo modo, & fundatur in illa opinione probabili; Deus enim per accidens hoc permittit ex suppositione opinonis probabilis, uti dicitis, ergo opinio probabilis erit regula objectiva prima & absoluta, subordinata foliis nostris erroribus. *R. 1.* Idem valet in casu, quo quis operatur ex opinione probabiliore aut etiam probabilissima falsa, uti patet applicant terminos. *R. 2.* Opinio probabilis dici potest fundare ultimum dictamen, hoc sensu, quod sit objectum, super quo se reflectit illud dictamen; malè autem dicitur fundare legem Dei consequentem tanquam regula illius, aut tanquam regula prima objectivi operationis nostræ, sed tantum est conditio, quæ positâ lex Dei consequens, quæ sola est regula objectiva prima respectu talis operationis, per ultimum dictamen tanquam per ultimam regulam formalem applicatur huic operationi dirigendæ, nam Deus ab æterno & pro priori ad ullam nostram operationem moralém habuit legem antecedentem tanquam regulam per se omnis honestatis vel in honestatis moralis, sed quia per infinitam suam sapientiam videbat in homine moraliter operaturo sæpe futurum errorem invincibilem & opinionem prudentem, quod aliquid liceat, cum tamen re ipsa non liceat nec sit conforme legi antecedenti, pro his casibus habuit

legem

legem consequentem, quæ per accidens esset regula honestatis vel dishonestatis, & hæc lex consequens, prout lex est & in communi, est totâ æternitate prior ac omnino independens ab omni operatione particulari hominis, dicit enim, *Si adfuerit error invincibilis aut opinio prudens, volo aut permitto operationem ponı*, ubi vides, quod re ipsa antecedat operationem nostram, quamvis ut hanc vel illam operationem dirigat, præsupponat & suo modo quasi se accommodet errori invincibili aut opinioni probabili, respectu cuius ideo dicitur esse jam dicto modo consequens. Lex itaque secundaria consistit in hoc, quod Deus ab æterno velit aut permettat nos agere hoc, quod invincibiliter judicabimus agendum, vel quod prudenter putabimus esse licitum; ratio autem, cur Deus ita velit aut permittat, non est noster error aut opinio probabilis, sed est sapientia infinita Dei, cui conforme est sic velle aut permittere, ne homines peccent ex hoc, quod invincibiliter ignorant esse peccatum, vel quod prudenter judicant esse licitum; unde sicuti perfectioni primæ causæ non derogatur per hoc, quod Deus nostræ libertati attemperat suam omnipotentiam per decretum indifferens, secundum principia scientiæ Mediæ, ita nec derogatur primæ regulæ morali objectivæ, quod simili ferè modo legem suam secundariam attemperat errori invincibili aut opinioni probabili, uti notavit *Palanus*; & quæ contra hæc affert *Camargo* à n. 180., pro rorsus nihil evincunt.

Vrgt iterum l. 2. contr. 4. à n. 424., Si fiat contractus, qui minus probabiliter censetur esse licitus, si re ipsa non sit licitus, Deus per accidens vult, uti dicitis, ut sit licitus, ergo si conficiatur Sacramentum, quod minus probabiliter censetur esse validum, si re ipsa non sit validum, Christus per accidens

volet esse validum; consequens autem est aperte falsum, ergo & antecedens. R. 1. Idem valere, quamvis sequaris probabiliorem in contractu vel Sacramento conficiendo. R. 2. n. seq. maj., ut contractus sit licitus, satis est à Deo permittri ex suppositione conscientiæ invincibiliter erroneæ, uti sæpe dictum est; Et contrà ut Sacramentum conficiatur validè, debet hoc determinatè poni, quod Christus requisiuit, si autem hoc omittatur, etiam quomodo cumque inculpabiliter, & in quacumque necessitate vel suppositione, Sacramentum non erit validum. Ratio utriusque à priori est, quia ex suppositione conscientiæ invincibiliter erroneæ necessè fuit in Deo esse illam voluntatem per accidens, uti ante ostensum est, è contrà eam Christi voluntatem per accidens non fuisse in constitutione Sacramentorum, scimus aliounde, & saltem ex declaratione Ecclesiæ, quæ ideo docet in illis conficiendis sequenda esse tutiora, ne exponantur periculo invaliditatis.

Et cùm Auctor hic meminerit de Sacramentis, libet ejus circa illa doctrinam paucis proponere, & aliquot ad hanc rem nostram reflexiones subjecere, à n. 180. docet, ad confienda & suscipienda Sacramenta sufficere opinionem verè probabilem de valore; si enim, inquit, requireretur certitudo, Confessarius non posset absolvere poenitentem dantem doloris signa, quia hæc possunt fallere; nec parochus posset baptizare infantem, queni Pater testatur non esse baptizatum, quia hoc testimonium etiam potest fallere; imò nullus Sacerdos auderet consecrare, quia certus non est se esse rite baptizatum, validè ordinatum &c. Addit à n. 203. posse aliquem, etiam extra necessitatem, in administratione Sacramenti sequi sententiam communem, v. g. adhibere materiam, quam Auctores communiter docent esse validam,

dam, licet unus vel alter etiam clari nominis Doctor dicat esse invalidam. *Addit à n. 211.* licitum esse ministrare ac suscipere Sacramentum Pœnitentiæ cum dolore finè certa intensione vel duratione, cum dolore de peccatis in communi, cum attritione &c., quamvis oppositas sententias teneant Auctores gravissimi, dicit enim periculum deceptionis ibi non esse moraliter æstimabile nec moraliter evitabile. *Addit à n. 219.* difficultatem communem, qualis esset molestia nimiæ sollicitudinis & anxietatis pro adhibenda extraordinaria diligentia, ut plurimum sufficere ad hoc, ut non sit obligatio cavendi periculum erroris circa valorem Sacramenti, si talis error aliquando, attamen non plerumque, contingat, & ita licet consecrat Sacerdos, quamvis non antè explorarit, an verè sit panis triticeus aut verè vinum, quod consecrat &c. *Hæc assertio, inquit, mibi haud parum negotii faceret, nisi piorum hominum pariterque sapientium consuetam ac communem praxin attenderem, de cuius honestate dubitare non audeo.* Subdit n. 231. *Verum quid si in retanta misere cœcumus? Misereor certè ex animo, non mei tanum meique similium, sed & aliorum plurium sapientum ac piorum valdeque memorum muneris sui: interim tamen aliter non sapiam, dum me Doctores alii, aut, quæ doctrix est omnium Petri Sedes Veritatis Magistra, aliter me sapere doceant.*

Objicit sibi 1. à n. 232., ergo non est obligatio, quām maximè possumus, entendi ad veram certitudinem de valore Sacramenti, cujus tamen oppositum à n. 193. tenuerat, 2. ergo non erit major sollicitudo adhibenda in Sacramentis quām in aliis materiais. Respondet ad 1. n. seq., quia, moraliter loquendo, major esse non potest nec debet, ne Sacra-menta propter homines instituta fiant odiosa, & tam

confidentibus quām suscipientibus nimis onerosa; item ne sint continua pericula peccandi, dum ministrantur vel suscipiuntur, unde, moraliter loquendo, major sollicitudo censetur nobis impossibilis; ideoque à n. 243. monet Professores Theologiæ moralis, ne plus justo rigidi sint in sententiis, sed ubique servent modum & quoddam medium. *Ad 2.* iterum negat seq., quia Dei voluntas, quam pluribus expōnit à n. 356., majorem hīc certitudinem moralem exigit ob summam rei dignitatem, & ne proximus privetur fructu &c., nihilominus certitudinem maiorem non requirit quām antē relata, licet illi adjunctus sit timor deceptionis, qui quamvis sit prudens, tamen n. 326. dicit prudenter contemni posse. Denique à n. 430. conatur probare, ad hoc, ut minister Sacramenti aut quisvis alius licet operetur, non esse necesse, ut certus sit de honestate suæ operationis, sed sufficere veram probabilitatem.

Quod attinet ad doctrinam illam circa confectionem & susceptionem Sacramentorum, de illa dicam. 1. Huc spectant seqq. reflexiones, 1. si damnare non audet praxi illam circa Sacra menta, quia communis est apud pios & sapientes viros, quomodo audet damnare praxi probabilismi circa alias materias, cūm sit ita communis apud pariter pios & sapientes. Etiam probabilistæ nequeunt aliter sapere, *dum alter doceat Petri Sedes.* 2. si Deus in sanctissimo ac hominibus maximè necessario negotio Sacramentorum non offenditur errore, multò minùs in quotidianis operabilibus. 3. si pro Sacrementis sufficiat opinio verè probabilis; quia requirere certitudinem esset difficillimum, ac redderet Sacra menta odiosa & nimium onerosa, ergo nec pro quotidianis operabilibus oportet requirere probabilitatem, quia hanc discernere est, etiam plerisque animarum curatori bus,

bus, difficillimum, uti ostendi à n. 150. & 293. , at-
tamen in sententia adversariorum teneremur disser-
nere, quia in debito faciendi includitur debitum sci-
endi, uti ibid. dixi: Deinde opposita sententia red-
dit non tantum confectionem & susceptionem Sa-
cramentorum difficillimam, sed etiam directionem
conscientiae tam propriæ quam alienæ , ut ostendi
dicto n. 293. 4. Si pro Sacrementis non est requi-
renda certitudo , quia hæc induceret conficientes &
suscipientes in pericula peccandi, ergo nec pro quo-
tidianis operabilibus est requirenda probabilitas,
quia hæc induceret in quotidiana pericula peccandi.
5. Si Professores Theologiæ moralis non debent esse
plus justo rigidi, ergo maximè cavere debent senten-
tiam oppositam, quæ est fons Rigorismi, & cuius ar-
gumenta, si quid evincant , probant tandem etiam
tutiora esse sequenda, uti ostendi n. 292. , ideoque di-
xi n. 294. & iterum dicam n. 475. sententiam op-
positam esse periculosorem quam nostram. 6. Si
timorem prudentem erroris prudenter contemni-
mus, quando ministramus Sacraenta, ergo multò
magis, quando alia minùs digna operamur. (Con-
tra hoc tamen est, quod, si timor sit prudens, pru-
denter contemni non possit, sed debeat prudenter
deponi, maximè cùm agatur de inhonoratione rei
sacræ & damno proximi) 7. Adversarii pro suffi-
ciente ultimo dictamine in quacumque materia po-
nunt actum opinativum & formidolosum, nos verò
probavimus à n. 46. debere esse certum.

In statibus 1. Quidquid sit de hactenus dictis, sal-
tem videtur certum, quod sententia benigna sit mi-
nùs certa quam rigida , ergo est obligatio sequendi
rigidam, nam S. Aug. dicit, *tene certum, dimitte
incerum*: Et I. I. de Bapt. contra Donat. , gravi-
ter peccatur in rebus ad salutem animæ pertinen-
tibus,

zibus, vel eo solo, quod certis incerta præponantur.
Conf. Ideo tenenda est Religio Romana, quia omnes dicunt nos in ea salvare posse, è contraria non omnes dicunt nos posse in aliis salvare; atqui etiam omnes dicunt nos bene agere sequendo probabilita, non dicunt autem omnes sequendo probabilita, ergo. Ita *Eiz.* l. 8. q. 3. §. 3. *R.* i. n. antec., quia dato, quod rigida sit tutior, non ideo est certior, quia est major ratio firmiter adhaerendi benignae. *R.* 2. Dato antec. n. conseq., benigna enim est satis certa, & alioquin teneremur semper sequi tutissimas. *Ad* 1. ex *S. Aug.* sic responder *S. Anton.* i. p. tit. 3. c. 10. §. 10., *Augustinus loquitur in dicto capite propriè de eo*, qui differt pœnitentiam usque ad extremum vitæ, cuius salvatio est & incerta, quia incertum est & dubium, an talis veritatem pœnitentia... sed extendatur illa auctoritas *Augustini ad alias materias morales*, notandum secundum *Cancellarium*, (*Gersonem*) quod certitudine qua requiritur in materia morali, non est certitudo evidentiæ sed probabilis conjectura &c., intelligi secundum dicta n. 181. *Ad.* 2. Loquitur de eo, qui convictus de veritate fidei, adhuc dubitabat, an suum peccatum recipere baptismum inter haereticos, unde dubium illud erat planè imprudens: & in Sacramentis aliisque de necessitate medii requisitis dicit etiam benigna sententia, quod tutiora sint sequenda. *Ad conf.* n. paritatem, Religio vera est de necessitate medii, circa talia autem tenemur probabilitiora & tutiora sequi.

Inst. 2. Sententia rigida est satis probabilis, uti fatentur multi cum *Castrop.* d. 2. p. 2. n. 2. & evincunt argumenta allata & afferenda, ergo dictamen formatum secundum benignam non potest esse certum. **Conf.** 1. quia probabile est dari legem de sequendis

quendis probabilioribus, ergo ignorantia illius legis non est vobis invincibilis, potestis enim assentiri, quod talis lex detur, sicque habetis sufficientem illius notitiam, & qui non vult assentiri, *non vult intelligere, ut bene agat.* Conf. 2. nam cum sententia benigna sit tanti momenti & veluti cardo totius Theologiae moralis, deberet niti principiis aperte demonstratis, qualia non sunt, quae à n. 268. sunt allata, ita Daniels. Conf. 3. nam si sententia benigna esset certa, Societas JESU in Congreg. XIII. decreto XVIII. non permisisset rigidam doceri, utpote improbatum, ita Erenthr. a. 8. R. I. Sequendo principia Adversariorum, sententia benigna est certa, & rigida est improbabilis, nam secundum ipsos argumenta probabilia eliduntur per probabiliora, sed certum est, quod pro benigna sint argumenta probabiliora, ergo argumenta pro rigida eliduntur, & consequenter benigna erit certa. R. 2. Teril. in Reg. 343 q. 2. n. 190. dicit sententiam rigidam in materiis obedientiae & justitiae esse improbatum, in aliis materiis permittit aliquam probabilitatem: *Moya de op. prob. q. 6. n. 39.* & apud hunc *Ioannes à S. Thoma & Prado*, Item *Ills. tr. 1. d. 1. n. 59. Sanch. in Decal. 1. 1. c. 9. n. 14. Stoż. 1. 1 p. 5. n. 134. Bress. l. 3. c. 6. n. 75. Carden. in 1. crisi d. 56. n. 233.* & plerique alii dicunt benignam esse evidentem vel moraliter certam, adeoque rigidam esse improbatum: *Nec obstat, quod defendatur ab aliquibus, quia contra principia intrinseca certa non valet auctoritas extrinseca: Quidquid sit de hoc, R. 3. Saltem probabilissime dicimus, quod ultimum dictamen reflexum sit certum, est autem certum licere operari secundum sententiam probabilissimam,* quia *Alex. VIII. inter 31. damnavit etiam hanc tertiam propositionem, non licet sequi opinionem vel*

344

M 5

inter

inter probabiles probabilissimam : & si ad prudenter operandum sufficit judicium directum simpliciter probable vel saltem probabilius, uti volunt Adversarii , etiam sufficiet reflexum , quod est moraliter certum vel saltem probabilissimum : quod *Conf.*

nam si sententia rigida sit vera, non requiritur certitudo ad licite operandum, si autem benigna sit vera,

345 vi illius habemus certitudinem sufficientem. *Ad 1.*

Conf. n. conseq., quamvis enim assentirer, assensus esset tantum probabilis, ergo necdum scirem dari illam legem : è contrà cùm habeam graviora motiva, quòd non detur, nunc multò minùs scio sed magis invincibiliter ignoro: nec dici potest, quòd nolim intelligere, ut bene agam, nam adhibui diligentiam, ergo cùm non potuerim rescire voluntatem Dei positivam , licite operor secundùm permissivam.

346 *Ad 2.* sufficit certitudo moralis , quam descripsimus à n. 178. vel saltem sufficit esse probabilissimam:

imò à contrario sic argumentor , non debet imponi lex ignota ita universalis & dans occasionem infinitis propè peccatis , nisi clarè demonstrari possit illius existentia, sed hæc non potest clarè demonstrari, imò

347 nec probabilius suaderi, ergo. *Ad 3.* Societas per-

mittit rigidam doceri ab illo , qui eam jūdicat probabilem, non dicit autem esse talem , sed hoc relinquit examini Doctorum.

348 *Inst. 3.* Judicia reflexa non possunt , nequidem

quoad nos reddere objectum magis licitum, quām judicia directa , cùm nihil agant in objecto , sed directa non reddunt nisi probabiliter honestum, ergo nec reflexa. *R. 1.* Ergo etiam si judicia directa sint probabiliora , tamen reflexa non reddent objectum quoad nos certò licitum , quod patet esse falsum, nam judex per judicia reflexa certissimus est damnationem Rei sibi esse licitam , cui per judicia directa tantum

tantum probabilius est esse licitam, quia non certò, sed tantum probabilius judicat illum esse verè convictum: hinc, R. 2. n. maj., nam pro iudiciis reflexis accedunt nova motiva, uti ostensum est n. 312. Et quamvis nihil mutationis fiat in objecto, tamen jam applicatur nobis tanquam certò licitum poni, licet fortè per accidens sit in se illicitum.

Inst. 4 Nemo est certus, quod satis examinari sententias; quod judicet sine passione; quod homo à se consultus sit peritus aut sincerè respondeat &c. ita *Gonz* d. 4 n. 55. *R.* Est satis certus moraliter, scit enim se humanam adhibuisse diligentiam; experitur se bonâ fide procedere; scit consultum communiter haberi peritum, & temerarius foret, si de insinceritate suspicaretur.

Vrgt Camargo l. 2 cont. 4 à n. 299. Scriptura & SS. PP. commendant timorem peccati in omnī opere nostro, dicunt ubique esse pericula, errores, ignorantias &c. E contrà probabilismus docet operantem ex opinione probabili esse certum se non peccare & securum, ergo probabilismus non est conformis Scripturæ & SS. PP. Hæc ipsa fusius & contentiosius urget à n. 490. & 497. *R.* Meritò commendari timorem peccati, & asseri pericula &c., 1. Quia per nostrum dictamen practicum plerumque non sumus nisi moraliter certi de eo, quod non peccemus, uti dixi n. 50., morali autem certitudini potest absolutè subesse falsum. 2. Passio vel negligētia potuit dedisse causam errori, qui proinde non erit inculpabilis. 3. Quamvis quis videatur sibi formare dictamina certa, fortè intercurrunt dubia & non satis formatur conscientia. 4. Poteſt defectus baptismi in me, vel potestatis in ministro impediſt valorem Sacramentorum. 5. Poteſt aliunde prava intentio se subtiliter ingērens vel alia circumſtantia

stantia vitiare nostras actiones. 6. Fortè opinio, quam sequor, non est certò probabilis, nam difficile est dilcernere, uti dixi à n. 150., & sàpe concupiscentia, amor proprius, fraus dæmonis fucum facit intellectui de probabilitate opinionis judicanti. Vide etiam dicta n. 52. & 53.

350 *Obj. 6.* Operans secundùm minùs probabilem judicat objectum suæ actionis esse potiùs illicitum, ergo non est certus se licite agere. *R.* Judicat esse potiùs illicitum, spectatis præcisè principiis directis, c. reflexis, n. ant. & conseq.

351 *Inst. 1.* Si actio non est certò licita ex principiis directis, ergo simpliciter non est certò licita, ad hoc enim requiritur esse certò licitam ex omnibus principiis, quia bonum est ex integra causa, & malum ex quolibet defectu. *R. 1.* Retorquendo, si ex ratione naturali non sit certum dari Trinitatem in Deo, ergo non est simpliciter certum &c. *R. 2.* Idem valere, si opereris, etiam ex probabiliore vel probabilissima. *R. 3.* n. seq., quia sicuti certitudo Trinitatis non petitur ex principiis naturalibus, sed ex principiis fidei supponentibus cognitiones naturales, ita certitudo conscientiæ non nititur cognitionibus directis tanquam præmissis, quas affirmet veras, sed tantum reflectit se suprà eas tanquam existentes saltim objectivè, qualiter existere certum est, uti explicavimus n. 306.

352 *Inst. 2.* Est certus de majore probabilitate, quòd objectum sit illicitum, ergo non est certus esse licitum. *Conf.* nam si certus sim de majore probabilitate, quòd objectum sit impossibile, non possum esse certus, quòd sit possibile, ergo similiter hic, ita *Gonz.* n. 52. *R. 1.* Operans secundùm probabiliorem faventem libertati contra legem, est certus de probabilitate, quòd objectum sit illicitum, ergo non est certus esse licitum. *R. 2.* spectatis præcisè principiis direc-

directis, c, spectatis etiam reflexis, n. conseq. *Ad Conf.* n. paritatem, major probabilitas esset de impossibilitate in se à parte rei, & certitudo esset de possibilitate etiam in se à parte rei, quod apertè impli- cat, cùm certitudo elidat probabilitatem circa idem: è contrà major probabilitas per judicia directa est de illicito in se, à parte rei; & certitudo per judicia refle- xa, non est de licto in se à parte rei, sed est de licto ponì & respectivè ad conscientiam, etiamsi fortè in se à parte rei sit illicitum, ergo disparitas est mani- festa.

Vrgt Camargo I. 1. contr. 7. à n. 29., Sic operan- tem non serio inquirere in voluntatem Dei, nec reverie jesus legem, quia facit hoc, quod ipsi est verisi- milius esse contra voluntatem & legem Dei: *Sed si* argumenta ipsius tenent, etiam ille non censebitur inquirere in voluntatem Dei nec reverebitur legem ejus, qui non sequetur tertia. *Addo*, quamvis faciat hoc, quod ipsi est verisimilius esse contra voluntatem & legem Dei, tamen aliis, quos scit esse Viros sapien- tes & fortè Sapientiores, quam se, est verisimilius non esse contra voluntatem nec legem Dei, nulla autem lex eum obligat sequi potius suam quam alio- rum opinionem, dummodo ipse sibi formet con- scientiam, secundum dicta n. 307. Vide etiam di- cenda n. 377.

Obj. 7. Qui operatur secundum minùs proba- 353
bilem, exponit se periculo peccandi; deinde agit im- prudenter, sicut imprudens est, qui utitur horologio minùs bono, ita *Merc.* & *Eliz.* I. 3. q. 10. *R.* Ex- ponit se periculo peccandi formaliter, n, materialiter c, hoc autem non tenemur vitare, ubi non pos- sumus rescire veritatem, & è contrà ad sic operan- dum habemus prudens motivum, quod vel inde pa- tet, quia periculum peccandi materialiter manet, licet quis sequatur probabiliorem, immo & moraliter certam,

certam, nam & hæ possunt esse falsæ. Adde, quod obligatio sequendi probabiliorem plures homines exponeret certo periculo peccandi formaliter, quia multi vel ex fragilitate non operarentur secundum illam, vel cum dubiis operarentur, aut saltem rediderentur perplexi, non potentes discernere probabiliorem secundum dicta n. 293. Illud de horologio nihil evincit, nam bona fides aut ignorantia invincibilis non facit vel horologium vel tempus conformari cursui Solis, è contrà ignorantia invincibilis & bona fides facit operationem meam conformari saltem secundariæ & permittenti voluntati Dei.

354 *Inst.* Quidam damnatus est, eo quod secutus fuisset sententiam probabilem de retinendis simul pluribus præbendis, uti refert *Thomas Cantipratanus*, ergo. Ita *Gonz.* d. 4. n. 46. *R.* Damnatus est, quia secutus fuit probabilem non formato dictamine, quod id sibi liceret, uti patet ex verbis *Cantipratani*, quæ refert *Gonz.* n. 45. *renuit enim dimittere præbendas, experiri se velle dicens, utrum esset damnable beneficia piura tenere, mortuus est ergo sic,* & utique pessimè, quia dubitans, an bene an malè ageret, seque aperte exponens periculo damnationis: oppositum est in operante ex probabili, formato sibi dictamine certo, quod id liceat.

355 *Obj.* 8. Certum est unam ex duabus oppositis opinionibus esse falsam, cùm sint contradictoriar, ergo non potest aliquis sequi utramque, quam volunt, quia alioqui certò sciet se sequi unam falsam. *R.* 1. Ergo nec potest sequi probabiliorem, quia etiam illa potest esse falsa. *R.* 2. Certum est unam esse falsam, hanc determinatè vel illam, n, unam indeterminatè, c, cum quo stat probabilitas utriusque, uti constat ex dictis à n. 237.

356 *Inst. I.* Nemo potest simul assentiri duabus propositionibus

positionibus contradictoriis, sed ut licet sequatur, quam volet, deberet utriusque assentiri, ergo, ita *Baron.* & *Mercor.* R. 1. n. min., secundum dicenda à n. 387. R. 2. dato requiri assensum, ad hoc, ut liceat sequi probabilem, adhuc dico posse eligere, quam volet, quia poterit assentiri parti, cui volet, uti dicetur n. 398. & 414.

Inst. 2. Probabilitas habens se ad utrumque 357
contradictorium est indifferens ad verum & falsum, ergo non potest fundare dictamen certum, nec servire pro regula nequidem secundaria conscientiae, regula enim secundaria debet esse subordinata & conformis primae, sed prima, quae est lex in Deo existens, non est indifferens ad utramque partem contradictionis, sed determinatè affixa ad solum verum, ergo. Ita *Eiz.* addens interposito juramento nihil si bi unquam visum esse evidentius, quam eam probabilitatem non esse bonam regulam conscientiae. R. Malè apprehendi, quasi dicamus dari unam probabilitatem utriusque contradictorio communem, quae serviat pro regula sequendi partem, quam quis volet, evidens enim est nullam dari posse probabilitatem pro complexo contradictiorum, cum evidens sit illud constare vero & falso: itaque dicimus ibi dari duas probabilitates in individuo, unam pro hac, alteram pro ista parte contradictionis, quarum probabilitatum singulæ ex vi sui motivi sunt ad verum tantum, nam singularum motivum sollicitat intellectum ad assensum, assensus autem est tantum ad verum saltem apprehensum, uti dictum est n. 101. De his ergo probabilitibus, v. g. quod non liceat & quod liceat pingere die festo, diximus jam n. 332. & 339. quod sint subordinatae & conformes legi divinae, nam supposito, quod non liceat pingere, tum prima probabilitas est conformis legi divinae primariae & prohibita.

192

prohibenti, secunda autem probabilitas erit quidem illi legi primariæ diffor̄mis, tamen quia hæc lex invincibiliter ignoratur & ex gravi motivo judicatur non existere, est in Deo alia lex secundaria, in his circumstantiis permittens pingere, cui hæc secunda probabilitas etiam conformis est, hinc possumus nobis formare regulam formalem sive conscientiam, quod suppositâ illâ probabilitate nobis hic & nunc liceat pingere, uti explicatum est à n. 338, Potestque etiam videri Teril. in Reg. q. 49. à n. 4.

358

Inst. 3. Saltem ut quis licet sequatur opinionem, debet judicare illam esse probabiliter veram, sed nemo potest judicare utramlibet partem contradictionis esse probabiliter veram, ergo nemo potest utramlibet partem contradictionis sequi. *Maj.* patet, quia probabilitas dicitur in ordine ad veritatem, & si opinio non sit probabiliter vera, non est prudens, immo nemo potest eam habere, quia omnis assensus est ad veritatem. *Min.* etiam prob. quia licet utraque pars contradictionis possit simul habere grave motivum & apparentiam veri pro se, ideoque aliquis possit judicare utramque partem simul esse probabilem, tamen impossibile est etiam opinari tantum judicare utramque simul esse veram, sive in utralibet parte esse veritatem, quia evidens est in alterutra parte esse falsitatem, ergo. Ita *Ehrenibr.* a. 3. R. n. min., cuius prob. dist., impossibile est opinari utramque simul & copulativè esse veram, sive, quod complexum illud contradictiorium ex utraque parte habeat veritatem. c. utramque simul, sed distributivè & divisivè esse veram, id est, pro veritate hujus esse hoc motivum grave, & pro veritate illius esse istud aliud motivum grave, n, nec plus requiritur, uti à n. 387. ostendetur; quod si requereretur assensus determinatè ad illam partem, quam quis vellet sequi posset

quidem posset hunc etiam habere, ut etiam ostendetur à n.

398. & 414.

Inst. 4. Certum est alterutrum ex istis contra- 359
dictoriis esse illicitum, ergo saltem dici non potest,
quod utrumque sit practice & conscientialiter pro-
bable. *Conf. 1.* nam si pars utraque sit conscientia-
liter probabilis, ergo utraque approbatur à Deo, ergo
Deus approbat unam partem, quae est intrinsecè ma-
la. *Conf. 2.* quia Doctrina conscientialiter proba-
bilis debet esse sana, sed utraque pars non est sana,
nam S. Th. in cap. 4. Epist. ad Timoth. ait, *Sana*
doctrina est, quando non habet admixtam falsita-
tem, ergo. Ita Eliz. q. 13. ergo. R. n. conseq, illud
enim, quod per se est illicitum, fit per accidens lici-
tum ratione ignorantiae invincibilis &c. Secundum
dicta n. 312. *Ad Conf. I. n. seq.*, illud enim, quod
in se est illicitum, Deus non approbat positivè, sed
tanquam permittit, & ideo illius electio nobis fit li-
cita, quia ex gravibus motivis judicamus illam esse
licitam ac permisam à Deo. *Ad 2.* debet esse sana,
semper materialiter & per se, id est, debet semper esse
in se vera, n, saltem formaliter & per accidens ra-
tione ignorantiae invincibilis, c, itaque per hoc est
sana, quod ex motivo gravi dirigat mores & à pec-
cato liberet, & illo sensu dicimus totam doctrinam
S. Thomae esse sanam, licet forte aliqua falsa conti-
neat. S. Th. citatus loquitur cum Apostolo de Do-
ctrinis fidei, quae certissimæ esse debent sine ad-
mixtione ullius falsi. Vide Terit q. 29. à n. 96.

Objs. 9. Opiniones ab Alex. VII. & Inn. XI. 360
damnatae habebantur antea probabiles, & tamen
sunt damnatae tanquam in praxi perniciose, ergo
quamvis opinio habeatur probabilis, non ideo potest
practicari. *R.* Non ideo potest practicari, quamdiu
manet probabilitas illius, n, si illius probabilitas sit

sublata, & idem dicendum est ab Adversariis, enim opinio antehac probabilior damnetur aut nunc inveniatur ratio faciens oppositam esse moraliter certam, eodem modo illa, quæ fuit probabilior reddetur practicè improbabilis.

In stat 1. Camargo l. 2. contr. I. à n. I. , Decretum Pontificum non fecerunt illas opiniones esse perniciose in praxi, ergo antecedenter erant tales. R. Erant tales, materialiter & secundum se, & formaliter quoad nos, n. nam, quæ erant verè probabiles, erant quidem occasio peccati materialis, quia inducebant ad actionem legi Dei antecedenti difformem ; quia tamen id invincibiliter ignorabamus, & nitebantur motivo gravi, fundabant nobis prudens dictamen, & sic per accidens excusabamur à peccato formalis.

In stat 2. contr. 3. Hæc propositio damnata, Probabiliter existimò Iudicem posse judicare juxta opinionem etiam minus probabilem, deducta est ex probabilismo, ergo cùm ex vero non sequatur falsum, probabilismus est falsus. R. Si deducta est ex probabilismo, deducta est ex illo malè intellecto & malè applicato, uti ex locis Scripturæ vel dictis S. Augustini deducunt hæretici suos errores.

In stat 3. Suppone Judici probabilius esse, quod testamentum sine solennitate factum non valeat, minus autem probabile esse, quod valeat : tum sic, si probabilismus est verus, licitum erit Judici ferre sententiam secundum hanc minus probabilem, nam, secundum probabilistas, lex requirens solennitates non erit sufficienter promulgata, cùm oppositum sit probabile, ergo certum erit non obligare, imò nec existere, cùm de essentia legis sit promulgatio, ergo cùm nulla lex obster, poterit imò debet Judex stare pro valore talis testamenti. R. n. seq., quia Judex aliunde habet certam legem, quâ tenetur sequi hoc,

hoc, quod ipsi est directè probabilius, uti dicetur I.
4. n. 1480. Et similiter posset quis se voto obligasse
ad sequenda probabiliora aut etiam tutiora, neque
ideo ad hoc tenerentur alii.

Objs. 10. Secundùm hanc sententiam licebunt 361
omnia scelera, quia pro omnibus invenietur aliqua
opinio probabilis; sic probabiliter judicare poterunt,

Adam, legem Dei esse pœnale tantum, adeoque
non obligare in conscientia, aut non obligare sub
mortali, quia materia esset levis; *Eva*, præceptum
odiosum ad se non extendi, quia ante ejus creatio-
nen latum erat:

Saul, Se posse parcere Regi Amalec, quia erat
conforme misericordiae; item gregibus opimis,
quia erant pro sacrificio:

Roboam sequens sententiam Juniorum ætate sibi
æqualium, tum autem erat annorum quadraginta
& unius:

Iudæi sequentes sententiam Scribarum & Phari-
seorum & totius multitudinis contra Christum:

Pilatus eosdem sequens; maximè cum audiret
Judeos habere legem, secundùm quam deberet
mori:

Ethnici & *Hæretici* omnes sequentes sententiam
Majorum & Doctorum suorum, maximè cùm nunc
etiam tot videant esse ejusdem sensus & religionis, ita
Sinnich. *Mercor*. *Gonet* & alii.

R. n. seq., quia certum est non dari opiniones
verè probabiles pro omnibus sceleribus, fides enim
docet multa prohiberi velut illicita, & habemus mo-
ralem evidentiam de multis in se illicitis; Item mo-
ralem certitudinem de multispræceptis has vel illas
actiones prohibentibus, ergo non potest esse proba-
bile, quod illa sint licita.

Adamo & *Eva* certum erat, quod præceptum

obligaret in conscientia & quidem graviter, ut ostendit Bellarm. T. 4. l. 3 de amiss. gratiae c. 6., hinc Gen. 3 v. 3. dicit Eva, *præcepit nobis Deus*, ne comederemus: & ex poena colligebat gravitatem præcepti, nam addit, *ne forte moriamur*: ideoque etiam S. Aug. I. Petr. c. 15. ait, *Adam simul & Eva scientes fecerunt contra præceptum*, quia nempe in eis fuit scientia infusa, ita ut S. Tb. de verit. q. 18. a. 6. putet pro statu innocentiae nullam in eis fuisse opinionem. Nec obstat, quod S. Aug. de Eva dicat, *maximâ libertate habendas prohibitionum rumpere delectata*, probabilius existimans non esse mortem, quam timuerant futuram, nam hoc ipsum pugnat contra sententiam de sequenda maiore probabilitate; recte autem hoc exponit S. Tb. ad 5, *Adamum & Ewam* jam prius peccasse per elationem animi, & ideo hoc eis visum probabilius, errore scilicet culpabili & vincibili. Videri potest Ep. in app. a. 3 & seqq.

Saul scivit clarum præceptum Dei, dicitur enim 1. Reg. 15. v. 3. *demolire universa eius, non parcas ei*: hinc v. 24. dixit, *peccavi, quia prævaricatus sum sermonem Domini & verba tua, timens populum & obediens voce eorum*: videri potest Ep. a. 10. & seqq.

Roboamum peccavisse non dicit Scriptura, sed 3. Reg. 12. refert dispositionem illam ad Dei providentiam: egit tamen imprudenter sequendo consilium minus tutum, in casu, quo periculum damni non poterat removere bona fides aut ignorantia invincibilis.

Iudeos convincebat evidentia miraculorum, vita inculpata Christi, nota Scribarum & Phariseorum invidia, si tamen his non obstantibus aliqui invincibiliter errarunt, non peccarunt.

Pila

Pilatus scivit , quod per invidiam tradidissent
eum, uti habetur Matt. 27. v. 18.

Ethnici autem Hæretici materiales dari possunt sal- 362
tem ad breve tempus: quod si dubitare incipient, te-
nentur inquirere, & adhibitâ morali diligentia in
expendendis signis veræ fidei & notis Ecclesiæ Chri-
stu, agnoscent certitudinem fidei nostræ & parva fun-
damenta suæ: unde cum in iis, quæ sunt de necessi-
tate medii, non juvet ignorantia invincibilis nec
bona fides, statim tenebuntur admittere fidem no-
stram tanquam unicè tutam: alia omnia sunt in eo,
qui sequitur minùs probabilem, nam adhibitâ mo-
rali diligentia non potest deprehendere veritatem,
& ipsum excusat bona fides cum ignorantia invinci-
bili, cum hæc removeant periculum peccati for-
malis.

Inst. Saltem plus poterunt Auctores Probabili- 363
tæ, quam Deus, Ecclesia aut Papa, nam priores
possunt auctoritate suâ interveniente facere, ut ultra-
que pars contradictionis sit practicè probabilis, hoc
autem non possunt Deus, Ecclesia aut Papa. *R. I.*
Idem valet contra Probabilioristas, item contra om-
nes, qui dicunt esse licitum operari ex ignorantia in-
vincibili, nam horum auctoritas facit esse licitum ,
quod sæpe secundum se est illicitum. *R. 2.* Plus po-
terunt secundum quid & per accidens, ratione suæ
fallibilitatis & ignorantiae invincibilis, c, & hoc de-
bent omnes fateri: plus poterunt absolute & per se,
n, Deus propter suam perfectionem, Ecclesia & Pa-
pa propter assistentiam Dei non possunt dicere ali-
quid esse honestum , quod honestum non est, quod
nos ex defectibus humanis possumus, videri potest
Teril. in Reg. q. 14. à n. 36.

Obj. 11. In foro externo decidi debet à Judice 364
pro parte probabiliore, ergo & in interno, in quo ra-

tio est Judex, materia litis est existentia legis, Deus & homo sunt partes disceptantes, Deus enim stat pro lege, homo pro libertate, ergo si pro lege sint majores rationes, debet pro Deo decidi, ita *Eliz.* l. 1. q. 15 & *Gonz.* d. 4. à n. 25. *Conf.* 1. Quia forum internum non debet discordare ab externo, nisi certosciatur errorem vel ignorantiam intervenire: *Conf.* 2. Quia in foro externo tantum est periculum lædandi jus hominis circa temporalia, in interno periculum est lædandi jus Dei & propriam conscientiam, estque absurdum certiore regulam requirere pro rebus levioris momenti. *R.* n. conseq., obligatio Iudicis pro foro externo aliunde rescitur, uti dicemus l. 4. n. 1480, eam autem obligationem acceptat Judex cum suo officio, nihil simile est pro foro interno: & ratio ulterior est, quia qui pro foro interno eligit opinionem faventem libertati, respicit se ut possessorem, ergo recte sibi adjudicat, quia ubi adest ratio probabilis, prævalet titulus possessionis etiam contra probabilitatem majorem oppositam, uti omnes communiter fatentur, è contrà Judex in foro externo neutrum respicit ut possessorem, alioquin deberet possessori adjudicare. Adde etiam falso dici, quod Deus stet pro lege contra libertatem hominis, dicimus enim Deum assistere libertati, & in eis circumstantiis non esse legem operandi secundum probabiliora. *Ad Conf.* 1. forum internum debet conformari externo, si exdem sint circumstantiae, id autem non est semper, nam externum, v.g. præsumit debitorem esse solvendo, hinc non admittit juramentum negantis, sed dat locum distractioni bonorum, è contrà in interno datur locus dilationis: & idem est in pluribus aliis casibus, in quibus potest internum discrepare ab externo, videri potest *Tzil.* q. 20. à n. 28. *Ad Conf.* 2. n. esse periculum lædandi

dendi jus Dei, cùm nos non obliget; vel lèdendi conscientiam, cùm absit periculum peccandi: Item n. regulam conscientiæ non esse sufficienter certam, uti constat ex dictis à n. 342.

Obj. 12. Si sim v. g. Medicus, Charitas erga proximum obligat me, ut sequar pro ipsius bono magis probabilem, ergo etiam Charitas erga Deum, ut pro ejus honore sequar faventem legi. *R. 1* Charitas erga proximum obligat, ut sequar magis tutam etiam contra probabiliorem, v. g. ne explodam, si probabile sit esse hominem, licet probabilius sit esse feram, ergo etiam Charitas erga Deum obligabit, ut semper sequar magis tutam, quod plerique ex adversariis negant. *R. 2* n. conseq., pro obligatione illa Medicus habemus aliunde certitudinem, uti dicetur l. 4. n. 1534., pro altera obligatione non affertur sufficiens fundamentum.

Q. 45. An fit licitum operari secundum opinionem tenuiter vel dubie tantum probabilem. *R.*

§. I. Non est, per se loquendo, licitum operari secundum opinionem tenuiter tantum probabilem, nam Innoc. XI. damnavit hanc 3. propositionem, *Generatim*, cùm probabilitate sive intrinsecâ sive extrinsecâ quantumvis tenui, modò à probabilitatis finibus non exeat, confisi aliquid agimus, semper prudenter agimus: Ratio est, tum quia tenue motivum non est prudens nec dignum assensu viri prudentis, & illi oppositum communiter est certum, tum etiam quia quando est ejusmodi tenue motivum, non potest tolli dubium practicum, operari autem cum dubio pratico est peccatum, ergo. *Dixi*, per se loquendo, nam in gravissima necessitate, & quando opinio tutior non posset reduci ad praxin, licitum esset operari secundum opinionem tenuiter probabilem, neque hoc ab *Inn. XI.* damnatur, uti rectè notat *Car-*